

922396841

SULEMARKA SAMDRIFT DA

Mobilnummer

901 83 088

E-postadresse

bjmoldoy@start.no

Kontonummer **** * 44543

Vedtaksdato

30.11.2020

Vedtaket er gjort av

Fedje kommune

Søknadsdato

31.05.2020

Vår referanse

2020/11904, Agros 133269

Vedtak om tilskot til spesielle miljøtiltak i jordbruket – inngjerding og sauehold i Sulemarka Gbnr 169/15

Samandrag:

Fedje kommune har vedtatt å innvilge opptil 28 000 kroner i tilskot til SULEMARKA SAMDRIFT DA til inngjerding og sauehold i Sulemarka Gbnr 169/15. Frist for å gjennomføre tiltaket og rapportere er 01.12.2023.

Fedje kommune viser til søknad av 31.05.2020.

Bakgrunn i saka

SULEMARKA SAMDRIFT DA søkte om tilskot til spesielle miljøtiltak i jordbruket 31.05.2020. Du søker om totalt 45 000 kroner i tilskot for tiltak perioden 31.05.2020-31.12.2020. Totalt kostnadsoverslag for tiltaket har du utrekna til 330 000 kroner.

Søkeren har opplyst at området har tradisjonelt vorte brukt i mange generasjoner til sauehold, og tidlegare kyr. Det har i seinare tider vore lite dyr på beite i dette området. Noko området ber preg av i form av gjenngroing, og dårleg kvalitet på Røsslyngen. Dei er 3 grunneigarar i området som har starta eit prosjekt med villsau, og driv med inngjerding og rydding.

Då starta prosjektet i 2011, blei det innvilga kr 45000 i LID midlar og kr 40 000 i SMIL midlar i 2019 .

Dei har hittil i størrelses orden brukt ca 105000kr i materiell, og det gjenstår ca 700 meter med gjerde for siste teigen. Det er inngjerda ca 2300 meter. Med Fylkets satsar på egen innsats (250kr) timen og totalt 800 timar for prosjektet på vel 3000 meter , kjem dei opp i i totalt 330000 kr (utgifter materiell, og egen arbeids innsats).

Dei allerede har fått tildelt tilskudd på tilsammen kr 85000 (LID og SMIL) og søker nå tilskudd på kr 45 000 for slutføringen av prosjektet.

Terrenget er til dels kupert og med ein del berg. Dette fører til noko boring og bruk av kamstål ifm gjerdestolpar.

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom til taktet skal gjennomførast på, må det ligge føre løyve frå eigar til gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over korleis plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Målet er hindra attgroing og vedlikeheld gammalt kulturbeite .Søknaden har vorte vurdert etter prinsippa i naturmangfaldlova(NML) §§8-12,JF.§7. Administrasjonen har gjennomgått artskart, naturbase og etter ei samla vurdering kome fram til at tiltaket som er omsøkt ikkje er i konflikt med prinsippa i §§8-12 i naturmangfaldlova.

Administrasjonen meiner at tiltaket er i tråd med SMIL -ordninga sitt føremål,jf.forskrift om spesielle miljøtiltak i landbruket §1.Tiltaket er også prioritert i kommunen sin SMIL -strategi.

Administrasjonen meiner at tiltaket er godt og vil bidra til å utvikla kulturlandskap gjennom aktivt beiting.

Det er viktig for kommunen at kulturlandskapet vert skjøtt på ein god måte for å hindre attgroing.

Fedje er tildelt kr 10 000 , i SMIL -midler frå fylkesmannen i 2020 , felles landbrukskontor har vedtatt å flytta kr 28000 ,frå ramma til Alver kommune for gje støtte slik att det blir ferdig.

Godkjent kostnadsoverslag :(kommunen bruker standarsats for tilskot pr løpemeter gjerde)

Tiltak	Beløp
Gjerding 700 meter *80 kr	56000
Tilskotssats 50 %	
Tilskot kr	28000

Fedje kommune har vedtatt å innvilge opptil 28 000 kroner i tilskot.

Vilkår for tilskotet

Frist for å gjennomføre tiltaket og rapportere er 01.12.2023. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

- Frist for gjennomføringa av tiltaka er sett til inntil tre år frå tildeling.

-Det kan søkjast om utsetjing av arbeidsfrist i inntil to år ut frå skriftleg grunngjeving, seinast ein månad før oppsett frist går ut.

- Gjerde skal vera permanent med notegard, toppstreng og bendsletråd.

- Området skal nyttast til beite/ og eller slått i minimum 10 år frå løyving.

- Løyvd tilskot kan trekkjast attende heilt eller delvis dersom det oppstår tilhøve som er i strid med føresetnadane for ordninga jfr § 10 i forskrifta om spesielle miljøtiltak i jordbruket

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

Del- eller sluttrapportering av prosjektet gjøres via saken din på altinn. Du finner også skjema med link til altinn på landbruksdirektoratet sine hjemmesider.

Husk å ta bilder og dokumenter prosjektet underveis, samt ta vare på kvitteringer og før timelister for arbeidet som blir gjort.

Fedje kommune betaler ut det innvilga tilskotet etter at du skriftleg har bede om det, og når vi har godkjent rapport og sluttrekneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskot kan det vere aktuelt å betale ut delar undervegs i prosjektperioden. Delar av tilskotet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskotet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggst ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 56 000 kroner. Utbetalt tilskot kan ikkje overstige 50 % av godkjende kostnader for å utføre tiltaket. Dersom kostnaden for å utføre tiltaket er lågare enn godkjent kostnadsoverslag kan tilskotsbeløpet bli justert ned.

Kontroll

Kommunen, fylkesmannen og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtak om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresett ved innvilging av tilskotet.

Klagerett

Du kan klage på dette vedtaket til Fylkesmannen i Vestland. Send klaga til Fedje kommune. Vi vil sende saka vidare til Fylkesmannen i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
for Fedje kommune

Saksbehandla av: Roba Al Serhan

Godkjend av: Kjartan Nyhammer